

## **2017ko LAGUNTZEN PROGRAMAREN LABURPENA**

### **Helburua**

Honako honexetarako laguntzak ematea:

- Bizkaian goi-mailako prestakuntza daukatenak kontratatzea: Bizkaiko ahalmen berritzailea sustatzen duten profesionalak eta ikertzaileak kontratatzen laguntzea.
- Lan-esperientzia mugatua edukita euren jarduera Bizkaian garatu nahi duten prestakuntzadun langile gazte eta emigratuak kontratatzea.

### **Onuradunak**

Agiri honetan zehaztutako laguntzak ondo baino hobeto prestatutako pertsonen<sup>1</sup> eskatu ahal izango dituzte (agiri honetan zehaztutako eskakizunak betetzen dituen profesional edo ikertzaile kontratatua), betiere, deialdi hau indarrean dagoen bitartean:

- Euren lan/ikerketa arloko proiektuaren barruan Bizkaian 3 urtetik gorako epealdian lan egitea erabakitzen badute.

Eskabideak honako hauexek aurkeztu beharko dituzte batera:

1. Euskaditik kanpo esperientzia duten ikertzaileak edo ondo baino hobeto prestatutako profesionalak.
  2. Laguntzaren helburu den goi-prestakuntzadun profesional/ikertzaileak bere jarduera garatu dezan, Bizkaian lantokia daukaten ETEak, nahiz eta erakundearen zerga-helbidea Bizkaian egon ez.
- Kontratugilea (enpresa edo partikularra) ezin izango da inolaz ere 2017ko Laguntzen Programa honetako onuraduna izan.

**Zuzkidura ekonomikoa:** 235.000 €

### **Programaren egutegi orientagarria**

Hona hemen 2017ko Laguntzen Programaren egutegi orientagarria:

2017ko abe	2018ko urt	2018ko ots 1- 15	2018ko ots 16 mar 30	2018ko api	2018ko mai	2018ko eka

	Deialdiaren jaulkipena (17/12/11) eta eskabideak jasotzeko epealdia (18/02/15)		Eskabideen aukeraketa eta ebaluazioa. Laguntzaren esleipena		Kontratazioak egiteko epealdia (17/12/11-18/06/30)
--	--	--	---	--	--

<sup>1</sup> Ondo baino hobeto prestatutako profesionalak unibertsitateko titulua eduki beharko dute; eta ikertzaileek, doktoretza.

## **Laguntzaren helburu diren modalitateak:**

A MODALITATEA: Goi-mailako prestakuntza eta lan-esperientzia zabala dituztenak kontratatzea.

B MODALITATEA: Lan-esperientzia mugatua daukaten prestakuntzadun euskal gazte eta emigratuak kontratatzea.

### A MODALITATEA: GOI-MAILAKO PRESTAKUNTZA ETA LAN-ESPERIENTZIA ZABALA DITUZTENAK KONTRATATZEA

Langile kontratatuentzako eskakizunak:

- Laguntzaren helburu den profesionalak edo ikertzaileak Bizkaian bizi eta lan egin beharko du 5 urteko gutxienerako epealdian kontratatzen dutenetik.
- Gutxienez 10 urteko lan-esperientzia eduki beharko du. Salbuespenez, urte gutxiagoko esperientzia duten izangaiak ere hartuko dira kontuan, betiere, garapen-bidean dauden sektoreetakoak badira.
- Haien baldintzak (curriculum vitae) eta lanpostua egokiak izan beharko dira.
- Izangaiak Euskaditik kanpo bizi eta lan egin edo ikertu beharko dute deialdi hau argitaratu (2017ko abenduaren 11n) edo itxi (2018ko otsailaren 15ean) baino 5 urte lehenago gutxienez.

### B MODALITATEA: LAN-ESPERIENTZIA MUGATUA DAUKATEN PRESTAKUNTZADUN PROFESIONAL GAZTE ETA EMIGRATUAK KONTRATATZEA

Langile kontratatuentzako eskakizunak:

- Laguntzaren helburu den profesionalak edo ikertzaileak Bizkaian bizi eta lan egin beharko du 5 urteko gutxienerako epealdian kontratatzen dutenetik.
- Euskal Autonomia Erkidegoan jaiotakoa izan beharko dira, edo gutxienez 10 urte eraman behar dituzte bertan erroldatuta.
- Gutxienerako lan-esperientzia 5 urtekoa izango da; eta gehienekoa, 10 urtekoa.
- Unibertsitateko titulua eduki beharko dute gutxienez.
- Haien baldintzak eta lanpostua egokiak izan beharko dira.
- Izangaiak Euskaditik kanpo lan egin edo ikertu beharko dute deialdi hau argitaratu (2017ko abenduaren 11n) edo itxi (2018ko otsailaren 15ean) baino 2 urte lehenago gutxienez.

## **Laguntzaren helburu diren berrikuntza-arloak:**

- BERRIKUNTZA SOZIALA ETA ENPRESEN ERALDAKETA
- ESTRATEGIA ZIENTIFIKO, TEKNOLOGIKO ETA INDUSTRIALA
- INFORMAZIOAREN GIZARTEA

Erakundeek gaur egun edonolako berrikuntza-premia dutela ere (teknologikoa, industrial, zientifikoa, kudeaketa-arlokoa, kulturala...), ETE guztiei parte hartzeko aukera ematea da helburua, betiere, ondo baino hobeto prestatutako langileak laneratzeko eta eusteko eskaera benetakoa bada.

## Izangaien ebaluazioa

Hiru iragazkiko prozesua. Horren arabera:

- i. Lehenengo fasean, deialdiko eskakizun formalak bete eta laguntzaren helburu izan daitezkeen izangaiak hautatuko ditu Bizkaia Talentek.
- ii. Bigarren fasean, adituen kanpoko epaimahai independenteak eskabideen urruneko ebaluazioa egingo du. Beharrezkoa izanez gero, banakako elkarrizketa egingo zaie izangaiei nahiz erakunde/proiektuetako ordezkariari, eta puntuazioan hartuko da kontuan. Lortutako puntuazioaren arabera, izangai finalisten zerrenda egingo da.
- iii. Azkenik, hirugarren fasean, Bizkaia Talenteko Zuzendaritza Batzordeak laguntzak esleituko dizkie izangai finalistei.

2018ko martxoan, onuradunen berri emango da. 2018ko ekainaren 30a baino lehen egin beharko da kontratazioa.

Honako hauxe kontuan hartuko da eskabideak balioesteko orduan:

Laguntza-modalitateak	Prestakuntza	Esperientzia <sup>2</sup>	Proiektua	Jatorria <sup>3</sup>	Talentia <sup>4</sup>	Egoitza soziala <sup>5</sup>
Goi-mailako prestakuntza eta lan-esperientzia zabala dituztenak kontratatzea ( <b>A MOTA</b> )	5 puntu	45 puntu	40 puntu	5 puntu		5 puntu
Lan-esperientzia mugatua daukaten prestakuntzadun profesional gazte eta emigratuak kontratatzea ( <b>B MOTA</b> )	25 puntu	25 puntu	40 puntu	-	5 puntu	5 puntu

1. taula: Ebaluazio-prozesuko gehieneko puntuazioak

<sup>2</sup> Izangaiek eskabidean emandako datuen arabera ebaluatuko da esperientzia; eta, halaxe eginez gero, ondo baino hobeto prestatutako profesionalari eta, hala badagokio, erakundeko edo proiektuko arduradun/zuzendari/gerenteari izangaiaren ezaugarriari edo ekarpenei buruz egindako elkarrizketan epaimahaiak ateratzen dituen ondorioen arabera ere bai.

<sup>3</sup> Izangaien ebaluazioan parekotasunik badago, modu onean balioetsiko da euskal herritarrek erakartzea/itzultzea. Hain zuzen ere, 5 puntu emango zaizkie goi-prestakuntza eta lan-esperientzia handia dituzten euskal profesionalak kontratatzeko eskabideei.

<sup>4</sup> B modalitatean, modu onean balioetsiko da goi-prestakuntzadun profesionalak Bizkaia Talenteko Talentia Zerbitzuko programaren batean parte hartu izana (edozein euskal unibertsitatetako izanda ere). Hain zuzen ere, 5 puntu emango zaizkie programa horretako izangaiaren bat aurkezten duten eskabideei.

<sup>5</sup> Izangaien ebaluazioan parekotasunik badago, modu onean balioetsiko da Bizkaian egoitza soziala duten erakundeek goi-prestakuntzadun langileak erakartzea/itzultzea. Hain zuzen ere, 5 puntu emango zaizkie Bizkaian egoitza soziala duen erakundearen babesa duten eskabideei.

Bi izangairen edo gehiagoren artean berdinketarik badago, honako hauxe kontuan hartuko da laguntza esleitzeko orduan:

- Deialdi honetarako epaimahaiak egindako ustezko elkarrizketako/elkarrizketetako emaitza.
- Modu onean balioetsiko da goi-prestakuntzadun emakumeak kontratatzea.

## Laguntzak esleitzeko prozedura

Laguntzak honelaxe esleituko dira:

- Izangaiek zehaztutako epean aurkeztutako merezimenduen lehiaketaren bidez.
- Agiri honetan zehaztutako irizpideak kontuan hartuta balioespen handiena lortu duten eskabideen arabera. Esleitu beharreko laguntza guztien muga zuzkidura ekonomikoaren atalean zehaztutako zenbatekoa izango da, hain zuzen ere: 235.000 €.

Laguntza ez da betearaziko harik eta Bizkaian derrigorrean eman beharreko 3 urteak amaitu arte. Hau da, onuradunek epe hori igarotakoan baino ez dute lortuko laguntza, betiere, hurrengo 2 urteetan Bizkaian jarraitzen badute. Profesionalak edo ikertzaileak Laguntzen Programa honetan laguntza eskatzeko aukeratutako erakundeetan jarraitu beharko du lanean Bizkaian ezarritako lan-harremaneko lehenengo bi urteetan gutxienez.

Bizkaia Talentek ekarpen ekonomikoak egin ahal izango dizkie izangai onuradunei, eta izangaiek balioesteko prozesuan lortutako puntuazioaren arabera aldatu ahal izango da zenbateko hori.

Bizkaia Talentek esleitu gabe utzi lezake laguntzen deialdi hau. Hona hemen arrazoiak:

- Izangairik ez badago edota
- Aurkeztutako eskabideek elkartearen aurreikuspenak eta helburuak betetzen ez badituzte.

Bizkaia Talentek esleitu gabe utzi lezake deialdia. Bestela, modalitate bakoitzerako zehaztutako ehunekoak ere aldatu litzake, gainerako modalitateen artean banatzeko.

Bizkaia Talentek edo harrera-erakundeak legearen araberako atxikipenak egin eta ezarri beharreko zerga-arautegia bete beharko du une oro. Izangaiei dagokienez (profesionalak/ikertzaileak), laguntza kobratzean indarrean dauden zerga-legeak ezarri beharko dira.

### A MODALITATEA: GOI-MAILAKO PRESTAKUNTZA ETA LAN-ESPERIENTZIA ZABALA DITUZTENAK KONTRATATZEA

Bizkaia Talentek emandako laguntza Bizkaian garatutako jardun profesionaleko edo jarduera ikertzaileko laugarren eta bosgarren urteen artean banatu eta betearazi egingo da. Gehieneko kopurua 160.000 €-koa izango da, eta 2 edo 3 laguntzatan zatituko da (gehienez ere, 4 onuradun). Laguntza bi urtean emango zaie onuradunei: laguntza osoa 4 zenbatekotan zatitu eta seihileko bakoitzaren amaieran banatuko da.

Esleitutako laguntza ordaintzeko modua: sei hilean behin hainbanatuko da. Goi-prestakuntzadun profesionalak edo ikertzaileak 4. urteko lehenengo seihilekoan Bizkaian lanean jarraitzen duela egiaztatzen duenean egingo da lehenengo ordainketa.

## B MODALITATEA: LAN-ESPERIENTZIA MUGATUA DAUKATEN PRESTAKUNTZADUN PROFESIONAL GAZTE ETA EMIGRATUAK KONTRATATZEA

Bizkaia Talentek emandako laguntza Bizkaian garatutako jardun profesionaleko edo jarduera ikertzaileko laugarren eta bosgarren urteen artean banatu eta betearazi egingo da. Gehieneko kopurua 75.000 €-koa izango da, eta 2 laguntzatan zatituko da. Laguntza bi urtean emango zaie onuradunei: onuraduneko 37.500 euroko laguntza guztia (bi onuradunek zenbateko bera jasotzen badute) 4 zenbatekotan zatitu eta seihileko bakoitzaren amaieran banatuko dira.

Esleitutako laguntza ordaintzeko modua: sei hilean behin hainbanatuko da. Goi-prestakuntzadun profesionalak edo ikertzaileak 4. urteko lehenengo seihilekoan Bizkaian lanean jarraitzen duela egiaztatzen duenean egingo da lehenengo ordainketa.

### **Aurkeztu beharreko agiriak**

Eskabideak 2017ko Laguntzen Programa honetan kontuan hartu daitezten, izangaiek eskabide-orria eta eskatutako agiriak ezinbestean aurkeztu beharko dituzte [www.bizkaiatalent.eus](http://www.bizkaiatalent.eus) webgunearen bitartez, azken eguna baino lehen (2018ko otsailaren 15ean) eta Bizkaia Talenten webgunean azaldutako moduan.

**2017ko Laguntzen Programako onuraduna izateko eskakizunei eta baldintzei buruzko informazio eta xehetasun gehiago jaso nahi izanez gero, 2017ko Laguntzen Programako oinarrien agiria kontsultatu (Guide for applicants 2017).**